

# Topli obrok u javnim kuhinjama Kantona Sarajevo

Obezbjedivanje licima i porodicama u stanju socijalne potrebe jednog toplog obroka dnevno u javnim kuhinjama Kantona Sarajevo, što ima direktnog odraza na zadovoljavanje minimuma egzistencijalnih potreba stanovnika Kantona Sarajeva koji žive u stanju socijalne potrebe.

**Oblast:** Socijalna zaštita

## **Nosilac aktivnosti**

- [Javna ustanova "Kantonalni centar za socijalni rad" - Službe socijalne zaštite](#)
- Ministarstvo za rad, socijalnu politiku, raseljena lica i izbjeglice Kantona Sarajevo

## **Pravni osnov**

- Zakon o socijalnoj zaštiti, zaštiti civilnih žrtava rata i zaštiti porodice sa djecom („Službene novine Kantona Sarajevo“ br. 38/14 - Prečišćeni tekst, 38/16, 44/17 i 28/18); član 170.
- Uredba o priznavanju prava na topli obrok u javnim kuhinjama Kantona sarajevo („Službene novine Kantona Sarajevo“, broj 10/17)

## **Uslovi za korištenje prava/usluge**

- Da podnosilac zahtjeva ima državljanstvo BiH,
- Da ima prebivalište u Kantonu Sarajevo najmanje 1 godinu,
- Da ukupni prihod po članu domaćinstva za jednočlana domaćinstva ne prelazi iznos od 70,00 KM mjesečno,
- Za višečlana domaćinstva ukupan prihod ne prelazi 80,00 KM mjesečno,
- Za jednočlana domaćinstva penzionera da ukupan prihod ne prelazi iznos zajamčene penzije po podacima Federalnog zavoda PIO/MIO
- Za dvočlana domaćinstva penzionera da ukupan prihod ne prelazi iznos zajamčene penzije po podacima Federalnog zavoda PIO/MIO uvećane za 10%
- Za porodična domaćinstva u kojima su jedan ili više članova lica sa invaliditetom i lica sa trajnim invaliditetom u fizičkom i psihičkom razvoju, a čiji ukupan prihod po članu domaćinstva ne prelazi iznos od 100,00 KM mjesečno
- Da ukupna stambena površina za jednočlana domaćinstva ne prelazi 44 m<sup>2</sup>, a za višečlana domaćinstva za svakog slijedećeg, člana se ova površina uvećava za 10 m<sup>2</sup> stambene površine,
- Da nisu domaćinstva u kojima je neko od članova vlasnik preduzeća, samostalne radnje ili obavlja registrovanu dopunsku djelatnost,
- Da nisu domaćinstva u kojima neko od članova izdaje u zakup stambene jedinice, garaže i druge prostore
- Da nisu domaćinstva u kojima je jedan od članova vlasnik ili posjednik putničkog ili drugog motornog vozila izuzev lica sa invaliditetom koja su pri uvozu putničkog automobila oslobođena plaćanja carine i koji im služi, kao ortopedsko pomagalo
- Izuzetak: ocjena Stručnog tima službe socijalne zaštite da je ovaj oblik zaštite neophodan za život i zdravlje korisnika,
- Djeca do 1 godine života ne mogu ostvariti pravo na topli obrok jer obzirom na uzrast i vrstu

obroka koji se dijeli u javnim kuhinjama ne mogu biti korisnici prava

### **Način ostvarivanja prava/usluge**

- Zahtjev se podnosi Službi socijalne zaštite općine u kojoj podnosilac zahtjeva ima prebivalište.
- Vodi se upravni postupak u kojem se utvrđuje ispunjavanje uslova za ostvarivanje prava na topli obrok.
- Podnosilac zahtjeva ima pravo žalbe na rješenje prvostepenog organa kojim nije ostvario pravo, kao i pokretanje upravnog spora pred Kantonalnim sudom u Sarajevu.

### **Vrsta davanja**

- Jedan topli obrok kuhane hrane dnevno po korisniku u skladu sa normativom namirnica pripremljen u javnoj kuhinji Kantona Sarajevo i u dane vikenda, državnih i vjerskih praznika suha hrana u skladu sa normativom namirnica za jedan topli obrok
- U dane kada se ne priprema topli obrok po korisniku se dijeli suha hrana i vekna hljeba težine 350 gr
- Periodična alternativna dodjela prehrambenih artikala - u vidu paketa za korisnike u općinama u kojima nema punkta za podjelu toplog obroka i općinama u kojima ima punkt, a korisnici su teritorijalno udaljeni ili nisu u mogućnosti (iz zdravstvenih razloga) da dođu do punkta

### **Period isplate**

- Do dana provjere, a provjera se vrši jednom godišnje.

**Interval isplate:** Dnevno/periodično ako se radi o alternativnoj dodjeli prehrambenih artikala

### **Visina davanja / cijena usluge zbirno**

- 2014: **2.381.393,78 KM**
- 2015: **1.414.166,72 KM**
- 2016: **1.888.265,41 KM**
- 2017: **1.922.595,87 KM**
- 2018: **1.812.658,94 KM**

### **Ukupan godišnji broj korisnika usluge / prava**

- 2014: **5.079 korisnika prosječno mjesečno**
- 2015: **4.411 korisnika prosječno mjesečno**
- 2016: **4.016 korisnika prosječno mjesečno**
- 2017: **3.782 korisnika prosječno mjesečno**
- 2018: **3.350 korisnika prosječno mjesečno**

### **Dokumenti potrebni za ostvarivanje prava / usluge**

- Ovjerena kopija lične karte
- Uvjerenje o državljanstvu
- CIPS-ova prijavnica prebivališta za sve članove domaćinstva
- Uvjerenje o kretanju za podnosioca zahtjeva
- Kućna lista
- potvrda o prihodima za sve članove domaćinstva,
- Za djecu do 18. godina Izvod iz matične knjige rođenih
- Dokaz o površini stambene jedinice koju koristi domaćinstvo

- Ostale dokaze će Služba socijalne zaštite pribaviti po službenoj dužnosti u skladu sa obavezom iz čl. 134. stav (3) i 135. stav (2) Zakona o upravnom postupku, kao i druge dokaze po ocjeni voditelja postupka neophodne za utvrđivanje ispunjenosti uslova za ostvarivanje prava.

**Rok važenja dokumentacije:** Dokumentacija važi do dana provjere, a provjera se vrši jednom godišnje.

Podaci pronađeni na ovoj stranici su ažurirani **15.07.2019.** Sadržaj ove stranice je informativnog karaktera, a detaljne informacije o pravima i uslugama možete dobiti u nadležnim službama socijalne zaštite, kao i u Ministarstvu.